

劉兆祐博士主編
中國史學叢書三編

雲
間
志
畧
(四)

臺灣學堂書局印行

劉兆祐博士主編
中國史學叢書三編

成仁重修毘陵志
(四)

臺灣學生書局 印行

成化重修毗陵志四十卷／（明）朱 昱撰--影印本--臺

北市：臺灣學，民76

34, 2042面；4 冊，21 公分--（中國史學叢書第三編，第四輯；45）劉兆祐主編

據國立中央圖書館藏明成化二十年刊本（附圖）影印

1. 中國一史料 I（明）朱 昱撰 II 集叢名 III 劉兆祐主編
618/8658 V.45

第四輯 中國史學叢書三編

劉兆祐博士主編

國立中央圖書館藏本

成化重修毗陵志四〇卷

撰者：明·朱

出版者：臺灣學書局 昱

本書局登：行政院新聞局局版臺業字第一一〇〇號

發行人：丁 文

發行所：臺灣學書局 治

臺北市和平東路一段一九八號
郵政劃撥帳號〇〇二四六六八號
電話：三二四一五六・三二一〇九七

香港總經理：藝文圖書公司

地址：九龍又一村達之路三十號地下後座
電話：三一八〇五八〇七

中華民國七十六年六月初版

修毗陵志卷第三十四

詞翰二

記

宜興縣學記

朱熹

紹熙五年十二月宜興縣新修學成明年知縣事承
議郎括蒼高君商老以書來請記而其學之師生迪
功郎孫庭詢貢士邵機等數十人又疏其事以來告
曰吾邑之學久廢不治自今明府之來即有意焉而
縣貧不能遽給以其費乃稍葺其所甚敝亟補其所

甚闕且籍閒田五千畝以豐其廩斥長橋餽金七十餘萬以附益之爲置師弟子貢課試如法而又日往遊焉躬爲講說開之以道德性命之旨博之以詩書禮樂之文使其知士之所以學蓋有卓然科舉文字之外者於是縣人學子知所向慕至於里居士大夫之賢者亦攜子弟來聽席下無不更相告語相勉勵而自恨其聞之之晚也退而相與出捐金齎以佐其役合公私之力得錢幾七百萬而學內外煥然一新堂涂門廡靡不嚴備象設禮樂皆應圖法蓋高君之

於是學非獨其經理之業之緒爲可書而其所以教者則非今世之爲吏者所能及而邑之人才風俗實有賴焉幸夫子悉書以告來者於無窮則諸生之望也予頃得識高君於會稽而知其賢今乃聞其政教之施於今者又有成效如此固已樂爲之書矣而其邑之父兄子弟能率高君之教而有所興起皆知從事於古人爲己之學而不汲汲乎誇多鬪靡之習以追時好以取世資則予所深歎而尤樂取以告人者也乃爲悉記其語使後之君子有考焉抑高君之

於此邑嘗新其社稷之位而并兆風雲雷雨師於其側以嚴祀事穿故瀆而積水以防旱澇作社倉儲羨粟以備凶荒其所以重神治民之類能行其所學而皆出於至誠懇惻之意是以言出而人信從之蓋不
至於講說之間然後以言教也嗚呼賢哉慶元元年
春三月新安朱熹記

社倉記

始予居建之崇安嘗以民饑請于郡守徐公嚳得米
六百斛以貸而
以爲社倉入
幾三十年矣其積

五千斛而歲歉散之里，遂無凶年。中間蒙恩召對，輒以上聞詔施行之而諸道莫有應者。獨閩帥趙公汝愚使者宋公若水爲能廣其法於數縣，然亦不能遠也。紹興五年春，常州宜興大夫高君商老實始爲之於其縣善卷，開寶法鄉凡爲倉者十一合之爲米二千五百有餘斛，擇邑人之賢者承議郎趙君善石、周君林承直郎周君世德以下二十有餘人以典司之，而以書來屬予記之。心許之而未及爲也。會是歲，浙西水旱，常州民饑尤極，流殍滿路，顧宜興獨得下。

熟而貸之所及者尤有賴焉然予獨慮夫貸者之不
能償而高君之惠將有所窮也明年春高君將受代
以去乃復與趙周諸石皆以書來趣予文且言去歲
之冬民負米以輸者絀屬爭先視貸籍無龠合之不
入予於是益喜高君之惠將得以久於其民又喜其
民之信愛其上之不忍欺也則爲之記其所以然者
抑又慮其久而不能無弊於其間也則又因而告之
曰有治人無治法此雖老生之常談然其實不可易
之至論也夫先王之

止使民三年耕者必有一年之

蓄故積之三十年則有十年之蓄而民不病於凶饑
此可謂萬世之良法也其次則漢之所謂常平者今
固行之其法亦未嘗不善也然考之於古則三登太
平之世不常有而驗之於今則常平者獨其法令薄
書筦鑰之僅存耳是何也蓋無人以守之則法爲徒
法而不能以自行也而況於所謂社倉者聚可食之
物於鄉井荒閒之處而主之不以任職之吏馭之不
以流徙之刑苟非常得聰明仁愛之令如高君又得
忠信明察之士如今日之數公者相與并心一力以

謹其出內而杜其姦欺則其法之難守不待他日而見之矣此又予之所身試者故并書之以告後之君子云慶元元年三月庚午旣望朱熹記

重修犇牛閘記

陸游

岷山導江行數千里至廣陵丹陽之間是爲南北之衝皆䟽河以通餽餉北爲瓜洲閘入淮汴以至河洛南爲京口閘歷吳中以達浙江而京口之東有呂城閘猶在丹陽境中又東有犇牛閘則隸常州武進縣以地勢言之自荆爲是餽河時是三閘已具矣蓋無

之則水不能節水不能節則朝溢暮涸安在其爲
也蘇翰林嘗過犇牛六月無水有仰視古堰之歎則
水之枯涸固久地志槩述本末而不能詳也今知軍
州事趙侯善防字若川以諸王孫來爲郡未滿歲政
事爲畿內最考古以驗今約己以便人裕民以東吏
不以難止不以毀疑不以費懼於是郡之人僉以聞
爲請侯慨然是其言會知武進縣立君壽雋來白事
所陳利病益明侯旣以告于轉運使且亟以其役專
畀之立君於是凡問前後左右受水之地悉伐石於

小河元山爲無窮計。舊用木者皆易去之。凡用工二萬二千石二千六百錢。以爲計者八千米以斛計者五百皆有奇。又爲屋以覆閣。皆宏傑堅牢。自鳩材至訖役闋三時。其成之日。蓋嘉泰三年八月乙巳也。明年正月丁卯。侯移書來請記。予謂方朝廷在故都時。實仰東南財賦。而吳中又爲東南根柢。語曰。蘇常熟天下足。此聞尤爲國用所仰。淹速豐耗天下休戚在焉。自天子駐蹕臨安。牧責戒贄四方之賦輸與郵置。采軍旅。無成。而費實遷者。澤出於此。居天下十七。

所繫豈不愈重哉雖然猶未盡見也今天子憂
恭儉以撫四海德教洋溢如祖宗時齊魯燕晉秦雍
之地且盡歸版圖則龍舟仗衛復沂淮汴以還故所
百司度府態羆貔虎之師翼衛以從戈旗蔽天舳艫
相銜然後知趙侯之功爲國長慮遠圖之意不特爲
一時便利而已侯吾甥也請至四五不倦故不得以
衰老辭

武進縣修縣門記

劉宰

武進爲常輔邑賦上予州縣無贏而有經費卒鑿空

取具諱民小不嫌撻爲厲階積四政不善去吳君應
龍之爲尉也道余里相與言而病之越明年書來言
曰幸埃吾邑之病有瘳矣惟今大夫黃君士特強毅
有立庶乎古之剛者始至奮然曰邑無不可爲其或
不可爲者制於上壅於下耳制於上雖有善意不得
施壅於下雖有善政不得達故敬以承上使誠意相
孚事有是非得以抗言而極論嚴以繩下使奸吏落
膽事有予奪得以直情而徑致政是以平而寬之一
分民即受一分之賜迄于今悍者馴弱者植告訐

俗轉爲忠厚頽敗不可爲之邑更爲清明官府吾巡
徼是司所以得休其餘閒以娛其親而夜月皎然桴
鼓不鳴者惟大夫之惠旣以自賀且孺子之必吾賀
也敢告余素剛者聞大夫之風而訟之又明年大夫
介吳君來請曰吾冒當嚴邑旦去矣顧縣治視昔撤
新者半而無單辭以紀委而去吾亦何能而慨然願
得子文詔不朽余辭不獲則請僇工之目曰直治事
廳爲重門十二楹崇其外蓋政教之所從出也面社
稷壇爲屋弘敞高明蓋祠祭之所揭虔也曰帑庾以

焚出入曰犴獄以謹繫囚賓有次吏有舍而大夫之
居自堂奧以達于庖湢無加飾焉自燕坐以達于觀
游之地無加益焉其爲人而不自爲公爾而忘其私
盖如此昔夫子之論申枨以爲欲而不剛盖劉者公
理公則役物故常伸於萬物之上欲者私情私則役
物故常屈於萬物之下今大夫之所以得伸其志
由所締建者觀之其先人後已至公無私可知矣是
烏可不書抑余聞德之至劉則物惟龍而可豢者欲
也大夫之事偉矣其去此而入脩門可欲者衆矣使